

Friderici I. Reg. 29. Imper. 26.
Sifridi Ep. Pad. 2.

Godefrid.

Arnold.

Lubee.

Chron.

Mont. Se-
ren.

Brouver.

lib. 4.

Antiq.

Fuld.

Crantz.

Henrico

Leoni
pertinaciprovin-
cia abla-
tæ dantur

alijs.

Ducatus
Westfa-
liae & An-
gariæ ce-
dit Ar-
chiep.
Colon.

Verterat interim annus MCLXXX, quo Imperator post celebra-
tum Herbipoli Natalem Christi Diem, conventum Principum festo
Epiphaniæ agebat ; sub quod tempus accessere duo Cardinales ab
Alexandro Pontifice missi ad Imperatorem rogatum , vellet mitius
agere cum Henrico Duce Saxoniæ. Eadem Angliæ & Franciæ Regum
Legati postulabant ; quibus responsum ab Imperatore, ducem toties
postulatum eadem semper pertinaciâ aspernari judicium Principum
ac Cæsarî, ferociusque in præsens agere , quâm imperij majestas ferre
possit; ne tamen querelæ cuiquam locus esset, indicturum se Geilhu-
sij Principum comitia. Ea medio Quadragesimæ frequentiâ Episcopo-
rum ceterorumque Principum celeberrima fuere. Tum verò, quia
postulatus Dux rursum pervicax comitia aspernatur, extrema senten-
tia à Cæsare & Principibus pronunciata, & laceratio provinciarum
facta est; cessitque Philippo Coloniensi Westfalia & Angaria, dono
simul & pretio , quod in vetustis chartis repertum numerasse Philip-
pum Coloniensem Archiepiscopum 50000 marcarum puri argenti.
Ducatus Saxoniæ Bernardo Anhaltino, Bavariæ Ottoni Wittelsba-
chii, ob egregia in Imperatorem merita, datus. Inde nunc ab Otto-
ne Wittelsbachio conditore nova stirps Bojorum Ducum deducta ad
hunc diem; uti à Bernardo Lawenburgicorum Ducum : & quia cum
eo simul titulus Ducis Westfaliæ & Angariæ communicatus à Fride-
rico Imperatore, posteri ejus stirpis hunc etiamnum præferunt. Si-
gefrido Bremensi Archiepiscopo, Bernardi Anhaltini Ducis fratri,
Stada & comitatus Stadensis redditus. Ad hunc modum omnia, quæ
dux clientelari beneficio Cæsarum tenebat, impertita alijs; quod
equi Westfalici ab Imperatore dilacerati schemate representant pas-
sim nostrates, fide magis vulgari quâm certa.

Nos modò certiora proferamus ex imperatorio diplomate, quo
Ducatus Westfaliæ & Angariæ Coloniensi datus , aureoque sigillo
consignatus fuit; ex eo enim cum præsentes Episcopi ac Principes in
hoc conventu, & delicta ducis, ob quæ Provincijs exutus est, & am-
pla Episcopi Paderbornensis jurisdictio sacra , ceteraque plenius co-
gnoscantur, juvat hoc loco producere.

*In nomine sanctæ et individuæ Trinitatis. Fridericus divina favente
clementia Romanorum Imperator Augustus. Quoniam humana labilis est
memoria, et turbæ rerum non sufficit, prædecessorum ætatis nostræ Divorum
Imperatorum et Regum decrevit auctoritas literis annotare, quæ fluentium
temporum antiquitas à notitia hominum consuevit alienare. Proinde tam
præsentium quam et futurorum imperij fidelium noverit universitas, qualiter
Henricus quondam Dux Bavariæ et Westfaliæ, eo quod Ecclesiarum Dei et
nobilium imperii libertatem possessiones eorum occupando, et jura eorum im-
minuendo*